

Adroddiad ar gyfer	<b>Awdurdod Tân ac Achub</b>
Dyddiad	<b>17/06/2019</b>
Swyddog Arweiniol	<b>Shân Morris, Prif Swyddog Cynorthwyol (Polisi a Chynllunio Corfforaethol)</b>
Swyddog Cyswllt	<b>Pippa Hardwick, Rheolwr Cynllunio Corfforaethol 01745 535286</b>
Pwnc	<b>Cynllun Gwella a Llesiant 2020/21</b>



## **PWRPAS YR ADRODDIAD**

- 1 I geisio cymeradwyaeth Awdurdod Tân ac Achub Gogledd Cymru i ddatblygu Strategaeth Amgylcheddol drafft fel rhan o'i Gynllun Gwella a Lles ar gyfer 2020/21 ymlaen.

## **CRYNODEB GWEITHREDOL**

- 2 Mae Awdurdod Tân ac Achub Gogledd Cymru (yr Awdurdod) eisoes wedi mabwysiadu dau amcan llesiant tymor hir (gweler Atodiad 1) ond bydd ei waith cynllunio tymor byr ar gyfer cyflawni'r amcanion hyn yn siŵr o ddatblygu a newid fel y bo'n briodol.
- 3 Er mwyn cael Cynllun Gwella a Llesiant blynyddol erbyn Ebrill 2020 ar gyfer blwyddyn ariannol 2020/21, bydd angen i'r Awdurdod fod wedi ymgynghori â'r cyhoedd ynghylch ei fwrriadau ar gyfer y Cynllun hwnnw dros yr haf a bod wedi gosod ei gyllideb ddrafft ar gyfer y flwyddyn nesaf erbyn Rhagfyr 2019. Yna, bydd Cynllun drafft 2020/21 yn cael ei baratoi i'w gymeradwyo'n derfynol gan yr Awdurdod ym mis Mawrth 2020.
- 4 Wedi cyfarfod deirgwaith i ystyried y Cynllun ar gyfer y flwyddyn nesaf, argymhelliad y Gweithgor Cynllunio i'r Panel Gweithredol oedd i ymgynghoriad cyhoeddus yr Awdurdod eleni ganolbwyntio ar ddatblygu a mabwysiadu Strategaeth Amgylcheddol i'w gweithredu o fis Ebrill 2020 ymlaen. Byddai hyn yn cyd-fynd ag ail amcan llesiant yr Awdurdod.
- 5 Fodd bynnag, cyn cwblhau'r Strategaeth Amgylcheddol yn derfynol rhaid caniatáu amser i'r cyhoedd a rhanddeiliaid eraill gael dweud eu dweud ar gynnwys y strategaeth. Yna, bydd canlyniadau'r ymgynghoriad yn gallu cael eu hystyried gan yr Awdurdod yn yr hydref a chael sylw wrth osod cyllideb 2020/21 ym mis Rhagfyr 2019.

## **ARGYMHELLIAD**

- 6 Bod yr Awdurdod yn cymeradwyo:  
(i) datblygu Strategaeth Amgylcheddol drafft, a

(ii) chynnal ymgynghoriad dros yr haf 2019 er mwyn gallu cymryd sylwadau i ystyriaeth wrth ddatblygu'r Strategaeth terfynol i'w weithredu o fis Ebrill 2020 ymlaen.

## **SYLWADAU'R PANEL GWEITHREDOL/PWYLLGOR ARCHWILIO**

7 Yn ei gyfarfod ar 13 Mai 2019 bu'r Panel Gweithredol yn ystyried adroddiad oedd yn crynhoi'r cynnydd a wnaed gan y Gweithgor Cynllunio i ddatblygu amcanion gwella a lles yr Awdurdod ar gyfer 2020/21. Yn y cyfarfod hwnnw, penderfynodd y Panel argymhell i'r Awdurdod llawn y dylai ymgynghori ynghylch datblygu Strategaeth Amgylcheddol i'w mabwysiadu gan yr Awdurdod o Ebrill 2020.

## **CEFNDIR**

8 Rhaid i'r Awdurdod gyhoeddi amcanion gwella blynyddol yn unol â Mesur Llywodraeth Leol 2009. Rhaid iddo hefyd gyhoeddi amcanion llesiant tymor hir yn unol â Deddf Llesiant Cenedlaethau'r Dyfodol 2015 a chymryd pob cam rhesymol (wrth gyflawni ei swyddogaethau) i gyflawni'r amcanion hynny.

9 Mae disgwyl i'r Awdurdod gynnwys pobl eraill yn y broses o benderfynu ar ei amcanion ar gyfer y dyfodol ac ymgynghori cyn gwneud penderfyniadau terfynol. Fel arfer, ystyrir bod 12 wythnos o gyfnod ymgynghori yn gyfnod priodol yn y rhan fwyaf o achosion, er bod modd amrywio hyn. Mae disgwyl hefyd fod ymgynghoriadau cyhoeddus yn cael ei cynnal yn unol ag egwyddorion penodol (gweler Atodiad 2).

10 Mae amserlen gryno (gweler Atodiad 3) yn nodi'r camau ar gyfer llunio Cynllun yr Awdurdod ar gyfer 2020/21.

## **GWYBODAETH**

11 Fel rhan o drafodaethau'r Gweithgor Cynllunio, ystyriodd yr Aelodau yr effaith ar y Gwasanaeth o newid hinsawdd a thywydd eithafol, a'r fantais o ddatblygu strategaeth amgylcheddol yn cynnwys, er enghraifft:

- cynllunio adnoddau ar gyfer gweithgareddau yn ymwneud â thywydd eithafol megis llifogydd eang a mwy o danau glaswellt;
- addysgu'r cyhoedd a chydweithio â sefydliadau eraill i leihau effaith digwyddiadau'n ymwneud â'r tywydd ar gymunedau lleol;
- monitro a rheoli'r defnydd o ynni a thanwydd yn y Gwasanaeth a rheoli gwastraff;
- diwygio polisiâu caffael a threfniadau cyfrifyddu;
- gwneud cyfraniadau cadarnhaol at fioamrywiaeth.

- 12 Er bod Datganiadau ar yr Amgylchedd a Pholisi Ynni wedi cael eu mabwysiadu sawl blwyddyn yn ôl, roedd yr Aelodau'n cydnabod y byddai mantais yn dod o roi bywyd newydd i'r gwaith hwn drwy ddatblygu Strategaeth Amgylcheddol sy'n cyfarch gofynion Deddf Llesiant Cenedlaethau'r Dyfodol 2015 yn fwy amlwg, yn ogystal â'r gwaith sy'n cael ei ddatblygu drwy'r Byrddau Gwasanaethau Cyhoeddus yng Ngogledd Cymru.

## GOBLYGIADAU

Amcanion Llesiant	Goblygiad uniongyrchol wrth gytuno ar y camau tuag ag amcanion llesiant tymor hir yr Awdurdod.
Cyllideb	Mae perthynas bendant rhwng cynlluniau'r Awdurdod ar gyfer 2020/21 a lefel yr adnoddau ariannol sydd ar gael. Rhaid cytuno ar y gyllideb ddrafft ar gyfer 2020/21 ym mis Rhagfyr 2019, a'i chadarnhau erbyn canol Chwefror 2020.
Cyfreithiol	Mae'n cefnogi cydymffurfiaeth â deddfwriaeth ym maes llesiant a chynllunio gwelliannau.
Staffio	Bydd yr effaith ar lefelau staffio yn dibynnu ar benderfyniad yr Awdurdod yn y pen draw, ond ni ellir canfod unrhyw oblygiadau uniongyrchol o'r adroddiad hwn.
Cydraddoldeb/Hawliau Dynol/Y Gymraeg	Bydd yr effaith ar yr agweddau hyn yn cael ei hasesu'n llawn yn unol â phenderfyniad yr ATA yn y pen draw, ond ni ellir canfod unrhyw oblygiadau uniongyrchol o'r adroddiad hwn.
Risgiau	Cafodd y risgiau posibl eu hystyried yng nghorff yr adroddiad, ond bydd angen asesiad pellach fel rhan o broses benderfynu derfynol yr Awdurdod.

## **Amcanion Llesiant**

Dyma amcanion llesiant hirdymor Awdurdod Tân ac Achub Gogledd Cymru:

- A. Cefnogi pobl i atal tanau damweiniol mewn cartrefi ac i fod yn ddiogel os yw tanau o'r fath yn digwydd;
- B. Hwyluso gwasanaethau tân ac achub sydd o ansawdd uchel, sy'n ymatebol ac sydd wedi'u hintegreiddio'n well fel bod gweithgareddau ataliol ac ymateb brys yn gallu parhau i fod ar gael pan a ble mae eu hangen, a hynny'n fforddiadwy, yn deg ac ar sail risg.

## **Ymgynghori: Egwyddorion Gunning**

Boed yna ddyletswydd gyfreithiol i ymgynghori ai peidio, pan gynhelir ymgynghoriad rhaid gwneud hynny'n deg. Bydd yr hyn sy'n deg yn dibynnu ar amgylchiadau'r achos a natur y cynigion dan ystyriaeth.

Yn amodol ar ofynion cyffredinol tegwch, bydd gan y penderfynwr ddisgresiwn eang ynghylch sut y dylid cynnal yr ymgynghoriad a beth y dylid ymgynghori yn ei gylch.

Rhaid i'r ymgynghoriad gydymffurfio â'r egwyddorion canlynol hefyd (fe'u gwelwir yn egwyddorion Gunning ar ôl yr achos lle cawsant eu nodi, neu ofynion Sedley ar ôl y bargyfreithiwr wnaeth eu hawgrymu yn yr achos hwnnw):

- Rhaid cynnal yr ymgynghoriad pan mae'r cynnig yn cael ei ffurfio. Rhaid i awdurdodau cyhoeddus gadw meddwl agored yn ystod yr ymgynghoriad a rhaid iddynt beidio â bod wedi gwneud y penderfyniad yn barod, ond hwyrach fod ganddynt rai syniadau am y cynnig.
- Rhaid cyflwyno rhesymau digonol dros y cynnig er mwyn galluogi ystyriaeth ac ymateb deallus. Rhaid i'r ymgynghoreion gael digon o wybodaeth er mwyn gallu gwneud cyfraniad gwybodus at y broses.
- Rhaid caniatáu digon o amser i ystyried ac ymateb. Rhaid i amseriad ac amgylchedd yr ymgynghoriad fod yn briodol, rhaid rhoi digon o amser i bobl ddatblygu barn ar sail gwybodaeth ac yna roi adborth, a rhaid rhoi digon o amser i ddadansoddi'r canlyniadau.
- Rhaid ystyried cynnyrch yr ymgynghoriad yn gydwobodol.

Mae'n ddoeth i benderfynwr ddangos yn ei benderfyniad ei fod wedi cynnal ymgynghoriad a'i fod wedi rhoi pwys priodol i'r sylwadau a ddaeth i law. Gallai hyn olygu bod rhaid i'r penderfynwr ddangos ei fod wedi deall y pwyntiau sy'n cael eu gwneud gan yr ymatebion a'i fod wedi'u hystyried.

Cydnabyddiaeth: <http://law.gov.wales/constitution-government/public-admin/intro-admin-law/welsh-government-guidance-on-making-good-decisions/has-any-consultation-been-carried-out-fairly-and-properly/what-are-the-requirements-for-any-consultation-that-is-carried-out/?lang=en#/constitution-government/public-admin/intro-admin-law/welsh-government-guidance-on-making-good-decisions/has-any-consultation-been-carried-out-fairly-and-properly/what-are-the-requirements-for-any-consultation-that-is-carried-out/?tab=overview&lang=cy>

**Amserlen gryno ar gyfer creu Cynllun yr ATA ar gyfer 2020/21**

DYDDIAD	CYFARFODYDD	CAM GWEITHREDU
Ionawr – Mawrth 2019	Gweithgor Cynllunio	Gwneud y gwaith manwl sy'n gysyllteidig â datblygu amcanion drafft ar gyfer 2020/21 ac ymlaen, i'w gymeradwyo gan yr ATA llawn.
13/05/2019	Panel Gweithredol	Cytuno ar argymgyllion i'r ATA ym mis Mehefin 2019 ar gyfer cynnig drafft ar gyfer ymgynghori.
17/06/2019	ATA	Ystyried argymhellion gan y Panel Gweithredol a chytuno ar sail yr ymgynghoriad a gynhelir gyda rhanddeiliaid a'r cyhoedd dros yr haf.
Gorffennaf – Hydref 2019	Ymgynghori gyda rhanddeiliaid a'r cyhoedd.	
21/10/2019	Panel Gweithredol	Ystyried yr ymateb i'r ymgynghoriad cyhoeddus, a chytuno ar argymhellion i'w cyflwyno i'r ATA llawn ym mis Rhagfyr 2019.
16/12/2019	ATA	Cytuno ar gyllideb ddrafft yr ATA ar gyfer 2020/21 ac ar amcanion i'w hymgorffori yn ei Gynllun drafft ar gyfer 2020/21.
Chwefror 2020	Panel Gweithredol	Ystyried y drafft sydd bron yn derfynol o Gynllun 2020/21 i'w gymeradwyo gan yr ATA llawn yn ei gyfarfod ym mis Mawrth.
15/02/2020	Y diwrnod olaf ar gyfer rhoi gwybod i'r awdurdodau cyfansoddol beth fydd eu cyfraniadau ariannol ar gyfer 2020/21.	
Mawrth 2020	ATA	Cymeradwyo Cynllun drafft 2020/21 i'w gyhoeddi.
31/03/2020	Y diwrnod olaf ar gyfer cyhoeddi Cynllun yr ATA ar gyfer 2020/21.	